

## **Forslag til vedtekter for Lidar Vel**

### **§ 1 Formål**

Lidar Vel har som formål å verne om og fremje rettane til medlemmane og deira felles interesser.

### **§ 2 Medlemskap**

Alle som har hytte, seter eller annan eigedom i området frå Dyringen til Musybytta kan vere medlemmar av Lidar Vel. Medlemskap er først gyldig når kontingenten er betalt.

### **§ 3 Stemmerett og tillitsverv**

Alle medlemmar har stemmerett og kan veljast til tillitsverv i Lidar Vel.

### **§ 4 Kontingent**

Kontingenten blir fastsett av årsmøtet og betalt på forskot.

Medlemmar som skyldar kontingent for meir enn eitt år, har ikkje stemmerett eller andre rettar, og bli strokne av styret som medlem av Lidar Vel. Stroken medlem blir ikkje medlem att i Lidar Vel før skyldig kontingent er betalt.

### **§ 5 Godtgjersle av tillitsvalde**

Tillitsvalde kan få økonomisk godtgjersle etter satsar og på vilkår vedtekne av årsmøtet.

### **§ 6 Årsmøte**

Årsmøtet er øvste organ i Lidar Vel og blir halde kvart år mellom mars og august månad.

Årsmøte blir kalla inn med minst fjorten dagar skriftleg varsel til medlemmane og ved oppslag i området.

Sakar medlemmane ynskjer å få behandla av årsmøtet, må vera styret i hende seinast to veker før årsmøtet. Dette gjeld også framlegg om vedtektsendring. Fullstendig saksliste må vera tilgjengeleg for medlemmane seinast ei veke før årsmøtet.

Alle medlemmar har rett til å møte på årsmøtet. Styret kan etter vedtak invitere andre til årsmøtet.

Årsmøtet er vedtaksført med talet på røysteføre medlemmar som møter. Ingen har meir enn ei stemme i årsmøtet. Med unntak av vedtektsendringar og oppløysing av Lidar Vel, tek årsmøtet avgjerd med enkelt fleirtal. Vedtektsendring krev 2/3 fleirtal. Røysting kan ikkje skje ved fullmakt.

Årsmøtet skal berre behandle saker som er oppført på saklista.

### **§ 7 Årsmøteoppgåver**

Årsmøtet skal:

- a. Godkjenne innkalling og velje møteleiar.
- b. Behandle årsmelding.
- c. Behandle årsrekneskap i revidert stand.
- d. Behandle innkomne forslag.
- e. Fastsetje kontingent
- f. Fastsetje eventuell godtgjersle til tillitsvalde.
- g. Velje styremedlemmar for to år, slik halvparten av styret (to eller tre medlemmar) er på val kvart år.
- h. Velje leiar for eitt år blant styremedlemmane.
- i. Velje revisor for eitt år.
- j. Velje valkomité for to år.

## **§ 8 Ekstraordinært årsmøte**

Ekstraordinært årsmøte blir halde når styret bestemmer det, eller meir enn 1/5 av medlemmene krev det. Ekstraordinært årsmøte blir kalla inn med 14 dagars skriftleg varsel.

## **§ 9 Styret**

Styret i Lidar Vel skal ha 5 medlemmar. Med unntak av leiar konstituerer styret seg sjølv. Styret er øvste organ i Lidar Vel mellom årsmøta.

Styret skal:

- a) Gjennomføre årsmøtevedtak.
- b) Stå for og føre kontroll med den daglege drifta av Lidar Vel.
- c) Føre kontroll med økonomien til Lidar Vel.
- d) Representere Lidar Vel utad og gje uttale i saker som er viktige for medlemmane.

Styreleiar kallar inn til styremøte. Styremøte blir elles halde når eit fleirtal av styremedlemmane krev det.

Styreleiar leier møta. Dersom styreleiar ikkje møter, leier nestleiar møtet. I tilfelle verken leiar eller nestleiar møter, vel styret møteleiar.

Styret er vedtaksført når minst tre styremedlemmar er med på møtet. Vedtak blir gjort med fleirtalsvedtak. Ved like røystetal avgjer røysta til møteleiar.

Leiar eller den som styret peikar ut teiknar for Lidar Vel etter vedtak i styret.

## **§ 10 Valkomité**

Lidar Vel skal ha valkomité med to medlemmar. Ein medlem av valkomiteen er på val kvart år.

Valkomiteen innstiller overfor årsmøtet på val av styremedlemmar, styreleiar, revisor og ny medlem til valkomiteen. I tilfelle godtgjersle til tillitsvalde, innstiller valkomiteen også på satsar og vilkår for slik godtgjersle.

Valkomiteen er ansvarleg for å halde oversikt over kven som til kvar tid er på val. Innstillinga frå valkomiteen skal vere klar i god tid før årsmøtet.

## **§ 11 Oppløysing**

Lidar Vel kan berre bli oppløyst av lovleg innkalla årsmøte der minst  $\frac{3}{4}$  fleirtal av røystene er for oppløysing. Røystinga skal vere skriftleg.